



საქართველოს სახელმწიფო დაცვის სპეციალური
სამსახურის უფროსის

ბ რ ძ ა ნ ე ბ ა

№ 46071

ქ. თბილისი

22 ნოემბერი, 2018 წელი

სამედიცინო დაზღვევის სახელმწიფო შესყიდვის ერთობლივად
განხორციელების თაობაზე

„სახელმწიფო დაცვის სპეციალური სამსახურის შესახებ“ საქართველოს კანონის მე-7 მუხლის
მე-2 პუნქტის „კ“ ქვეპუნქტის, „სახელმწიფო შესყიდვების შესახებ“ საქართველოს კანონის მე-9
მუხლის „1¹“ პუნქტის, სახელმწიფო შესყიდვების სააგენტოს თავმჯდომარის 2017 წლის
14 ივნისის №12 ბრძანებით დამტკიცებული „ელექტრონული ტენდერის
ჩატარების წესის“ მე-10 მუხლის შესაბამისად

ვ ბ რ ძ ა ნ ე ბ ა:

მუხლი 1.

სახელმწიფო დაცვის სპეციალური სამსახურის და სამსახურის სახელმწიფო კონტროლს
დაქვემდებარებული სსიპ - სახელისუფლებო სპეციალური კავშირგაბმულობის სააგენტოს
თანამშრომელთა სამედიცინო დაზღვევით უზრუნველყოფისა და 2019 წლის განმავლობაში მათი
სამედიცინო დაზღვევის მომსახურების სახელმწიფო შესყიდვის ერთობლივად განხორციელების
მიზნით:

1. დავალოს სახელმწიფო დაცვის სპეციალური სამსახურის ეკონომიკურ
დეპარტამენტს შესაბამისი ელექტრონული ტენდერის დადგენილი წესით ჩატარება სამსახურის
სატენდერო კომისიის საშუალებით. ტენდერის გამოცხადებამდე სატენდერო დოკუმენტაციას
გაეცნოს და აღნიშნულ შესყიდვასთან დაკავშირებულ სამსახურის სატენდერო კომისიის
სხდომებს დაესწროს სსიპ - სახელისუფლებო სპეციალური კავშირგაბმულობის სააგენტოს
უფლებამოსილი წარმომადგენელი.

2. ამ ბრძანების საფუძველზე სამედიცინო დაზღვევის სახელმწიფო შესყიდვის
ერთობლივად განხორციელების მიზნით გამოცხადებულ ელექტრონულ ტენდერში
გამარჯვებულ პრეტენდენტთან სახელმწიფო შესყიდვის შესახებ სათანადო ხელშეკრულების
გაფორმება, სატენდერო განცხადებით განსაზღვრული ტექნიკური/საკვალიფიკაციო
მოთხოვნების და ტექნიკური დავალების პირობების გათვალისწინებით, უზრუნველყოს:

ა) სახელმწიფო დაცვის სპეციალური სამსახურის ეკონომიკურმა დეპარტამენტმა -
1200000.00 (ერთი მილიონ ორასი ათასი) ლარის ფარგლებში;

ბ) სსიპ - სახელისუფლებო სპეციალური კავშირგაბმულობის სააგენტომ - 20160 (ოცი
ათას ას სამოცი) ლარის ფარგლებში.

3. სამედიცინო დაზღვევის მომსახურების სახელმწიფო შესყიდვის შესახებ გაფორმებულ ხელშეკრულებებში:

- ა) ანაზღაურების პირობად განისაზღვროს უნაღდო ანგარიშსწორება;
- ბ) შესყიდვის ობიექტის მიწოდების წესად განისაზღვროს, რომ მიწოდება განხორციელდება 2019 წლის იანვრიდან 2019 წლის დეკემბრის ჩათვლით პერიოდში და არანაკლებ შესაბამისი ხელშეკრულების პირობებით განსაზღვრული მოცულობისა.

4. კონტროლი ბრძანების შესრულებაზე განხორციელოს სახელმწიფო დაცვის სპეციალური სამსახურის ეკონომიკური დეპარტამენტის უფროსმა, სახელმწიფო დაცვის პოლკოვნიკმა ნუგზარ ყამბეგაშვილმა.


5. ბრძანება გადაეგზავნოს სახელმწიფო დაცვის სპეციალური სამსახურის ეკონომიკურ დეპარტამენტს და სსიპ - სახელისუფლებო სპეციალური კავშირგაბმულობის სააგენტოს.

მუხლი 2.

ბრძანება ძალაშია ხელმოწერისთანავე.

საფუძველი: სსიპ - სახელისუფლებო სპეციალური კავშირგაბმულობის სააგენტოს 01.11.2018წ. N125 წერილი.

საქართველოს სახელმწიფო
დაცვის სპეციალური სამსახურის უფროსი,
სახელმწიფო დაცვის გენერალ-მაიორი



ანზორ ჩუბინიძე